

- लोकसभा चुनाव के दूजे चरण खातिर प्रदेश मांय भाजपा अर कांग्रेस रा स्टार प्रचारकां री सभाओं रो दौर जारी-प्रधानमंत्री नरेन्द्र मोदी अर पैल्यां आळां मुख्यमंत्री अशोक गहलोत कर्यो जनसभावां ने सम्बोधित।
- मतदाता जागरूकता खातिर मनाया जा रिया सतरंगी सप्ताह के तैत आज प्रदेशभर मांय न्यारी-न्यारी गतिविधियां आयोजित।
- प्रदेशभर माय महावीर जयंती के माथे शोभा जात्रावां साथै न्यारा-न्यारा धार्मिक कार्यक्रमों रो आयोजन।
- राज्य मांय आथूणे विक्षोभ के असर सुं केई ठौड़ां माथे तापमान मांय गिरावट-जयपुर, भरतपुर, जोधपुर अर बीकानेर संभाग मांय काले कठी-कठी हल्की बिरखा री आस।

000

लोकसभा आम चुनाव रा दूसरा चरण खातिर प्रदेश मांय न्यारा-न्यारा राजनीतिक दळा रा स्टार प्रचारकां री जनसभावां अर रोड़ शो रो सिलसिलो लगातार जारी है। भाजपा, कांग्रेस साथै न्यारा-न्यारा दलां रा स्टार प्रचारक आप-आप के प्रत्याशियां के समर्थन मांय जनसभावां ने सम्बोधित कर रह्या है। भाजपा रा वरिष्ठ नेता अर प्रधानमंत्री नरेन्द्र मोदी जालौर-सिरोही सुं भाजपा प्रत्याशी के समर्थन मांय भीनमाल मांय जनसभा ने सम्बोधित कर्यो। वणा कांग्रेस माथे अवसर वादी इंडी गठबंध वणावण रो आरोप माण्ड्यो प्रधानमंत्री सरकार रा कामकाज रो जिक करता कहयो की केन्द्र सरकार महिलावां रो सुविधावां प्रदान कर वां री ज़िदगी आसान वणावण ताई घर-घर गैस कनेक्शन अर घरां मांय शौचालय बणावण सारू केई योजनावां पर काम कर री है।

श्री मोदी मतदान के गर्व रो काम बताता व्हेया सगळा मतदातावां सुं जलपाण सुं पैल्या मतदान री अरज भी करी। जनसभा मांय मुख्यमंत्री भजन लाल शर्मा भी मौजूद रहे। प्रधानमंत्री रो बांसवाड़ा मांय चुनावी रैली ने सम्बोधित करणे रो कार्यक्रम है। वठीने पैल्या आळां मुख्यमंत्री अशोक गहलोत आज सांचौर जिला रा चितलवाना अर सरनाऊ मांय कांग्रेस के पक्ष मांय जनसभावां ने सम्बोधित कर्यो। वणा कहयो की कांग्रेस विकास के विजन के साथ ले र आगे बढ़ी है। श्री गहलोत कहयो के देश बचाणे के खातिर आप के संविधान री रक्षा करता व्हीया आगे आवण री जरूरत है।

प्रदेश कांग्रेस अध्यक्ष गोविंद सिंह डोटासरा आज टोंक-सवाईमाधोपुर सीट माथे पार्टी प्रत्याशी के समर्थन के मालपुरा मांय जनसभा ने सम्बोधित कर्यो। लोकसभा आम चुनाव के दूजे चरण मांय प्रदेश री 13 संसदीय सीटां माथे 26 अप्रैल के मतदान व्हेला।

000

मतदाता जागरूकता खातिर मनाया जा रह्या सतरंगी सप्ताह के तैत आज पीळे रंग री छटा बिखरयोड़ी है। "मताधिकार का प्रयोग करेंगे-वोट करेंगे वोट करेंगे" नारे के साथै वोट रैलियां अर फ्लैश मॉब राख्या जा रह्या है। इण के तैत बाड़मेर मांय युवा अर शहरी खेतर रा मतदातावां ने खास रूप सुं प्रेरित कर्यो जा रहयो है। सवाईमाधोपुर मांय मतदान रैली निकाळी ज्यी अर सगळा प्रतिभागियां ने मतदान री शपथ दिलवाई ज्यी। बठिने आओ बूथ चले अभियान के तैत आज मतदान केन्द्रों माथे वोट री स्लिप अर वोट री गाइड बाट्यो जा रहयो है।

000

लोकसभा चुनाव रे मद्देनजर आकाशवाणी समचार जैपर री कानी सू मतदाता जागरूकता खातिर संदेश श्रृंखला सरू करी ज्यी है।

इण मांय श्रोता संदेश भेज र आमजण ने वोट डालणे खातिर प्रेरित कर सके है। श्रोता आप रा संदेश रिकॉर्ड कर या टाईप कर व्हॉट्सअप नम्बर 94140-52368 माथे भेज सके है। चुनिन्दा संदेशां ने समाचार बुलेटिनां मांय भेळा कर्या जावेला।

000

महावीर जयंती रे मौके आज देश भर मांय न्यारा-न्यारा आयोजन हो रह्या है। प्रधानमंत्री नरेन्द्र मोदी नुवी दिल्ली रा भारत मंडपम मांय राखीज्या भगवान महावीर रा 2 हजार 550 वां निर्वाण महोत्सव रो उद्घाटन कर्यो। इण मौके माथे वणा स्मारक सिक्को अर डाक टिकट जारी कर्यो। आप रे संबोधन मांय श्री मोदी कह्यो कि आज पूरी दुनिया वैश्विक शांति खातिर भारत री कानी देख री है। ऐडे मे आपणा तीर्थकरां री शिक्षावां घणी खास है। वणा कह्यो कि भारत सत्य, अहिंसा अर करुणा रे मूल्यां ने बधावो दे रह्यो है। प्रदेश मांय न्यारी-न्यारी ठौड़ां माथे भगवान महावीर स्वामी रे जन्मोत्सव ने सिरधा अर उच्छास रे साथे मनायो जा रह्यो है। इण मौके माथे शोभाजात्रावां रे साथे ही अहिंसा वाहन रैलियां रो आयोजन कर्यो जा रह्यो है। मुख्यमंत्री भजन लाल शर्मा आज बालोतरा दौरे रे चालता जैन तीर्थ नाकोड़ा मांय भगवान पार्श्वनाथ अर जसोल माता रानी भटियाणी मिन्दर मांय पूजा-अर्चना करी। जैन समाज रो प्रमुख आस्था धाम श्रीमहावीर जी मांय भी केई कार्यक्रम राख्या जा रह्या है। सवाईमाधोपुर मांय 24वां तीर्थकर भगवान महावीर रे जन्म कल्याणक महोत्सव रे मौके माथे जैन मिन्दरा मांय खास धार्मिक आयोजन कर्या गया। टोंक जिला मांय भी महावीर जयंती हरक अर उच्छास रे साथे मनाई जा री है। ई मौके माथे टोंक मांय शोभाजात्रा निकाळी जी। अजमेर मांय दिगम्बर जैन मिंदर कमेटी री कानी सुं रथ जात्रा रो आयोजन कर्यो गयो। रथ जात्रा मांय करीब 40 झांकियां भेळी ही।

000

विश्वविद्यालय अनुदान आयोग री इण बरस 16 जून ने होवण वाळी राष्ट्रीय पात्रता परीक्षा-नेट खातिर राष्ट्रीय परीक्षा एजेन्सी- एन.टी.ए. री वेबसाइट माथे पंजीकरण चालू व्हेग्या है। आकशवाणी सुं खास बातचीत मांय राष्ट्रीय परीक्षा एजेन्सी रा महानिदेशक सुबोध कुमार सिंह बतायो कि पंजीकरण 10 मई ताई कर्या जा सकेला अर शुल्क जमा करणे री आखिरी तारीख 12 मई है।

000

प्रदेश में लोकसभा चुनाव री आदर्श आचार संहिता लागू होणे रे पाछे सुं ही स्वतंत्र भयमुक्त चुणाव करणे खातिर न्यारी-न्यारी सरकारी एजेन्सियां अबे ताई 790 करोड़ रुपयां सुं बत्ती री नकदी साथे दूजा संदिग्ध वस्तुवां री जब्ती करी है। आ जब्ती बरस 2019 रा मुकाबले 1 हजार 540 फीसदी बत्ती है। बरस 2019 मांय 75 दिनां रा चालता 51 करोड़ 42 लाख रुपया री सामग्री जब्त करीजी ही। चुणाव आयोग रा निर्देश माथे चुणाव मांय धन-बल, नशा अर मुफ्त चीजां रा लालच रे जरिए प्रभावित होणे सुं रोकणे रे लगस सुं अवैध वस्तुवां रे परिवहन अर भण्डारण माथे धरपकड़ करी जा री है। इण अवधि मांय सब सुं ज्यादा 37 करोड़ रुपया सुं बत्ती री जब्ती चूरु जिला मांय व्ही।

000

दौसा जिला मांय आज एक सड़क हादसा मांय तीन जणा री मौत व्हे ग्यी अर एक जणो गंभीर रूप सुं घायल व्हे गयो। ओ हादसो दौसा-मनोहरपुर राष्ट्रीय राजमार्ग माथे हरिपुरा गांव रे कने कार अर बस की टक्कर होणे सुं व्हयो। टक्कर सुं कार मांय संवार चार जणा गंभीर रूप सुं घायल व्हे ग्या जकां ने दौसा रा जिला सफाखाना ले जायो गयो। जठे डॉक्टर तीनां ने मृत घोषित कर दियो, वटीने एक गंभीर घायल ने उपचार खातिर जयपुर रैफर कर्यो गयो है। जाणकारी मांय सामे आयो है कि बस मांय संवार लोग करौली सुं झुंझुनू जा

रह्या हा अर आ बस बारात लेर जा री ही। वठीने कार सवार लोग दौसा शहर रा रहवण वाळा हा अर भात नुतण जा रह्या हा।

000

प्रदेश मांय आज नुवां आथूणे विक्षोभ रो प्रभाव बण्योडो है। भीलवाड़ा अर भरतपुर मांय सुवांरे सुं ई घणा बादळ छायोडा है अर ठंडी हवावां चाल री है। भरतपुर मांय दोपहरां पाछे आंधी चालणे सुं लोगां ने परेशानी रो सामो करणो पड्यो। मौसम केन्द्र जयपुर रे मुजब आज जोधपुर अर बीकानेर संभाग मांय कठी-कठी तेज हवावां चालणे अर हल्की बिरखा रा आसाड है। आथूणे विक्षोभ रे असर सुं जयपुर, भरतपुर, जोधपुर अर बीकानेर संभाग मांय काले भी केई ठौड़ां माथे हलकी बिरखा व्हे सके है। इण बीचे प्रदेश मांय काले बत्ती ऊं बत्ती तापमान मांय एक सुं दो डिग्री सेल्सियस री गिरावट दरज करीजी। घणखर ठौड़ां माथे बत्ती ऊं बत्ती तापमान 38 डिग्री सेल्सियस सुं नीचे दरज व्ह्यो। हालांकि कोटा मांय पारो 40 डिग्री सेल्सियस रे पार पूग ग्यो।

000

उत्तर पश्चिम रेलवे गर्मियों री छुट्टियां ने देखते थकां जठे वर्तमान मांय चाल री ट्रेनां रा अलग सुं और फेरा शुरू कर दिया है। वठिने तीन समर स्पेशल ट्रेनां चलाने रो निर्णय कर्यो है। जकी जयपुर समेत देश रा 30 सुं बत्ती रेलवे टेशनां माथे ठहरेळी। उत्तर पश्चिम रेलवे रा मुख्य जनसंपर्क अधिकारी बतायो कि पुणे-ढेहर के बालाजी-पुणे साप्ताहिक स्पेशल रेल सेवा रो संचालन 24 अप्रैल अर एक मई ने पुणे सुं पोणे दस बजे व्हेला।

000

दक्षिण कोरिया मांय विश्व एशिया-ओशियानिया ओलम्पिक और पैरा ओलिम्पिक मुकाबला मांय, नौकायन मांय बलराज पंवार तीजो स्थान ले र पेरिस ओलिम्पिक खातिर भारत रो पैलो कोटो हासिल कर लियो है। बलराज पंवार भारतीय सेनाकर्मी है। वणा 2 हजार मीटर री रेस सात मिनट अर एक दशमलव दो-सात सैकेण्ड मांय पूरी करी है।

000